

集部

欽定四庫全書 其部

詳校官編修臣曹錫龄

中書臣劉源溥覆勘

校對官編修臣嚴 福 總校官編修臣王燕緒 曆録監生臣陳廷鎮

とこうことここ 州同知國器 The Commence of The second second sections Mary Sale · 我回答你 · 京榜、 Application of the second **州君生三子其季諱**)失傳家譜斷自四九 仕 三世曾一四世城南五 明 張寧 採

戡濟險舉全業付之遭時多故竟以訟蹇致凋落再傳 經營構締田宅園池之勝漸出舊觀又善用人力雅達 至力本承父命讓遺業與二兄子居東墅始鋤治故 叔祥號力本是為義官初同知公有機鑒知從子厚材 自適雖入栗投官性尚開曠不常御官服時乗小升縱 遠之道久之子糾為賦稅長乃營別業日以詩酒琴奕 不給具及親殁哀毀特至斂莖祥禪備極情文庶幾終 地利童奴廢壤皆就作食輸勘販貸祭養宴會之資無 卷二十四 網

動定四母全書

F

次已日重在馬 潭娶祝氏而天瀹為弟子員娶祝氏曾孫男三人尚幼 **續翁璇其壻也孫男五洪蚤孤娶王氏清周氏滋俞氏** 戒的遗命以廪栗分予諸小疏戚有差無疾而卒距所 有賢行先卒子二长即糾次紳蚤世女三鄉士祝淇馬 糾以是年十月十六日整極於先壟之次奉行狀乞銘 生洪武二十七年五月二十九日壽八十有八配張氏 老之將至成化甲辰二月十六晨起沐浴更衣召子孫 匹騎漁獵於荒林野渚之間意趣所便樂而忘疲不知 方洲集

金月四月月 予當聞舉墜器者無全功任重負者無餘力力本翁以 **奕奕丘園鬱鬱喬梓天佑其全爰錫嗣子** 序論如狀而系之以銘曰蚤能振宗晚能釋俗富慮多 卒遂之者蓋以制為之子也予交制久知力本翁事輒 肚貴賤死生之際又復從容不滯其才固有過人然能 末裔起家宜草創不服考其所成章章明備至其於老 事壽慮多辱先民所履智者是程始末順度富壽安崇 軒先生墓誌銘

次三日東公告 使白公主延聘弟子益衆御史劉泰市舶提舉鄭延兵 處士諱政益元季以勇敢稱於鄉考莉莊先生諱伯全 任未春以母老提例歸養初主劉氏家塾及是為布政 統丁卯領鄉試第六人明年會試禮部授安溪訓導抵 傳之學博通載籍尤長於書為人温雅靜慎無謔言慢 貌文章主於明理不事華藻界屈於場屋綽有時名正 母汝氏前莊領舉官至樂安教諭先生從官四方得家 先生姓許名珣字士章號澹軒世家海鹽三都祖樂耕 方洲株

馬指揮向昭州判張弊知縣費琦縣丞劉宗朱瑾舉 府鄉試慶為河南陝西江西徵聘凡三為考官所至皆 虞熟姚順寧雖不敏與經歷弟寬亦皆承教從士大夫 得士配碩人朱氏生子男二長名晉邑庠廩膳生娶王 之後其間或出或處彬然相望為許氏門人初典應天 氏次名常娶李氏孫四翰胂副胡生於永樂壬辰九月 十三日卒於成化甲午正月初七日春秋六十有三疾 -時神氣不亂有辭世詩示後言多經則後三年丁酉

金河正是人

巻ニナ

盡也銘曰文士多浮薄而先生本於質樂業應時好而 沙巴马真公野 啊 寧謹述其大略刻石納諸墓下以垂久遠若夫才行學 生者雖百世其將未已也 不獨善而能淑諸人以克裕其後誦詩讀書尚友於先 問之淵懿其平生詩文具見家籍後當有傳非寧所能 先生根於理仕者為進取而先生以親故窮其生才德 二月二十七日 整极於先堂之次謹按古禮整必有志! 松庵墓誌銘 方洲 集

白なロスと 處士陳公卒將鑿其子璣以巡宰張耆所述行狀請予 其言多質質願被以文使足以昭遠久幸甚按狀處士 為墓銘曰璣童子時常從巡军公授書課熟知先人事 名貴字仲和號松庵世居海鹽茶溪金栗里祖文德父 仲真皆積徳好儒隱迹弗仕母錢氏有懿德生公兄弟 而終士華為邑庠弟子員與士信皆蚤世公每哀念之 四人長士傑次即公弟士華士信士傑以高壽得官服 人慈祥豈悌敦厚不華善經理家務積勤約以致饒

飲空四軍全書 門 有八以次年卒卯二月二十九日塟於紫雲里白术山 亥八月十二日卒於成化庚寅正月初七日春秋八十 次未并曾孫男二本生源鼎生濟皆幼公生於洪武癸 本娶陸氏次鼎祝氏次立雲皆未冠孫女二長適張鑑 有不乖其倫者吾年且老幸復有子夫婦之念不可移 時公年甫四十餘輕自斷曰吾見人多矣嫡繼偏私未 裕田宅生業至老益振蓋有職為之子也妻朱氏先卒 也遂終身不復娶璣配吳氏女一適步全孫男四長名 方洲集

整石嗚呼子固當銘也處士諱 等廷用號付軒祖 真父仲和俱崇儒好義母朱氏有淑德生處士幼悟資 於父子業始於稼穑本之固矣其末必碩不學而能 雅狀真能紀其實宜文而銘之銘曰禮始於夫婦恩始 海鹽金栗里陳處士既卒冢子本以子為父執求銘其 美天質謂余不信視公之澤 之陽余交幾人嘗至其家及見公凡其言動雖老猶爾 陳處士墓志銘 神

次記り見なら 是吾事果矣由其始終論之可謂能人馬配同邑吳氏 稟清朗沉靜寡言有機略能應世務治家以睦族力本 生子男四本其長也次鼎立雲春秋五十有七耋極於 憎爱之久之亦皆帖服年甫五十即以家事付本替嬪 宅於紫雲里先瑩之次服日攜親友徘徊其間日哉至 為先平生恥居人後常先事遠結納無所取應及遇變 賦稅長然性好周急扶傷而沮抑諸不負者人頗以是 故則人自為力緩急未當失措用是克大仲和之業為 方洲集

嘗為廷用銘之今又為本銘廷用之墓俯仰之間蓋三 維陳之後公實載之維宗及黨式克頼之豈曰無友孰 預營之擴予交廷用垂二十年始卒無異仲和甫卒予 諒愛之公其逝矣誰及代之 虞氏為海鹽望族世多聞人數傳至清華甫博學能文 世矣予獨無感於其間乎哉銘曰維陳之先公實大之 农所稱許子仲埜國初為萬石長以仁厚令終生子士 **虞處士墓志銘**

次已日本公司 皆以儒學擅名於人少與可獨與公往来甚亟相爱終 議論如流雖終日未當有情容鄉先生顧孟時朱関學 平生處鄉黨自少以老下者可仰少者可師不善者可 古人所居有省躬齊秋水軒朴素清雅圖史畢具每延 後其故天資英毅儀觀偉然治家教子綽有禮法可方 瞻是為處士之父益重儒術不與物競既没田宅多散 至廣客輒命綱目通鑑與之語古今成敗事端拱萬視 失業於是乎中衰處士早夜惕勵生聚休息十年而悉 方洲集

長適孫氏次適陳雅處士名澤字巨川春秋七十有七 皆有詩文稱美可謂為善之應也配金氏子楫克家幹 盤有父風娶馬氏庶子棟善承事長者娶許氏女二人 名發乎近著於遠業承於前垂於後越是三者公具有 天順元年建於阜山先堂之次銘曰行誠於身昭於人 以有憚一時宗工如姚兼善陳惟誠吕逢原倪懷敏輩)謂彼不信請質銘詞 明故亞中大夫河東陜西都轉運鹽使司運使倪

大吾家長補邑庠弟子員領景泰癸酉鄉試第天順丁 已酉七月三日自幼岐嶷大父素達理數喜曰是兒必 敘次之公諱顒字廷瞻别號居易世家海鹽曾祖富 部郎中錢塘陳洵行狀請銘墓石寧因按節其大者而 俊扶極返於正寂上以次年二月日並祖坐先期以刑 成化二十年閏四月二十日倪公廷瞻卒於官子獎傑 潤考政舉鄉試歷官沙河縣教諭母張氏生公於宣德 公墓誌銘 祖

次三日戶 LI馬

方洲集

孫 金定四月白書 舉陛河南懷慶知府任滿陛河東陝西都轉運鹽使司 運使二年而卒春秋五十有七初娶海鹽處士王玉女 丑進士初任工部都水主事丁父爱服除改兵部武庫 繼娶按察僉事金陵王濬女子男五人英邑庠廩膳 **璇子些次通知府沈祭子光孫男七懷悅悌怕忱恒怍** 廣生配温縣知縣鈕文女仁倫尚幼女二長適御史馬 配太常少卿鄭環女傑儒士配太常少卿何進女俊增 女一件弟璋義官季弟璠甲午舉人父母妻初贈封 生

九巴日東在事 四 肅羣小遂相與媒蘖其短將假手甘心於公公覺白之 騰窮訊一無驗事良解其名益章巡撫巡按者累奏公 乃釋久之又有造飛語誣公簠簋不飾下西殿公議沸 供具有成蹟以禮法啟治藩府軍校諸妨民者人用康 承德郎武庫司主事太安人安人加贈中議大夫赞治 力盡所當為不肯少自服販荒捍患植善擊強薄賦正 初在郎署間治泉山東調兵陝西已著時譽及守懷慶 尹懷慶府知府太恭人恭人顯揚濟發厥有端系蓋公 方洲集

金分四屋有意 其大率如懷慶而尤急其職務恤益起弊蚤夜不遑盡 慎老成暫借一行耳公念母老不挈家惟攜一子就官 去鹽池宿澇利澤大盈而疾作矣臨終遺命諸子語皆 河東之薦臨行尚書尹公旻語公日河東重地知君廉 留塞道逡巡始散吏部兩舉布政司祭政皆不偶始 政績優等先後被終段羊酒語命之賜及任滿去民擁 第得人士家被恩私聞計多失聲慟吏民皆赦歐悼情 經常惟以不得終奉老母為恨平生所至作興學校科 有

欠三日日白馬 讀洵狀始知廷瞻內介外和執謙履果可謂得體用達 徽內外予夢想斯在不肖南詢時廷瞻方入京别去二 哉銘日洪舟載重兮有駛其行良願善步兮孰回其程 經權者矣惜乎甫踰下壽未見其止而遽已也嗚呼傷 十二寒暑赴河東時僅一會而去宦途履歷予實未詳 氏壻姻戚遊從見知信明盡廷瞻孝友恭慎沈默坦率 其喪嗚呼寧與廷瞻皆王氏肾洵予故人子與瑛皆鄭 馬巡撫刑部侍郎何公喬新自悔薦用不早遣人發送 方洲集

金江口图白雪 其餘芳 金玉異用兮隨器著名介潔惟冰兮豐和惟雪累歲 善夫婦之事終矣然皆窮無施不因以表識則美懿将 見兮移日而絕庭槐有陰兮階蘭有香德澤滋茂兮於 成化丁酉二月臨海李處士卒後二年配張氏卒其子 太學生珙與弟琛合整於重家山不食之原生死之道 **冺郡人潘大理顧周太守一清按察使高瑛陳選為之** 童家山墓志銘

次巴の東西島 器清遠異於他人使得少見於用則宜家教國必有可 受業於味菜翁家庭之教又從學勿齊陳先生宜其德 道常成於夫而子弟之賢未有不本於父師者處士蚤 祭養婚嫁無一事無節自成童在室至為父母以及於 君臣父子長幼朋友夫婦之問無一類有歉飲食言動 老無一日不謹守禮法不獨其文藝工容僅見於外內 而已人常言事定於三諸君子之論合其信然矣夫婦 狀事行及稱述論列詳盡無遺其信然乎則二老人於! 古洲集

觀不止受授於一鄉也惜哉珠在讀禮時即渡江至予 香蔥亦馨止維鳳有聲凰亦鳴止干將之藏莫邪其寧 予友海昌一樗翁許糾用文卒予聞計而哭及壟而銘 止有茁其芽有飾其毛亦有餘光騰空徹霄 以終無言哉謹取節於衆定之論而系以銘曰維蘭有 **今三載瑛請益勤孝矣哉仁人之後也雖甚斐陋尚可** 鲁請銘墓石詞曰此先人臨終 之命也寧以多病未答 許一樗墓志銘

というしら イエト 無大戚然者乎初用文始祖四九仕元提督始居海寧表 遂亲其學尋以鄉大家長賦稅先業益振累田數千 畝 甚豫年十八目舉子業值母病劇繼羅大故憂勤積歲 居室千楹就食者踰六百指內需祭養外奉賓客上輸 花里凡七傳至考力本翁遭家多故克讓遺業與九子 銘其考而今又銘用文變故靡常親舊凋謝於余心獨 居東墅攻苦率勞復大其業以是用文幹盡甚蚤間學 分固宜然弟念自甲午歲至今僅一紀耳既銘其妻後 方洲集

動定匹库全書 官稅下理私訟旁午紛紜不可舉數用文以一身應酬 流裔相沙第以傳次無據不敢妄接厚謝遣之比皆歲 其間各相給集未嘗力出人有持許遠世系求合譜者 用文日論得姓之原孰非公卿後況遠土族在斯得無 父命也請以紫吾父有司從之勒石學官以旌其義及 歉應勘出穀備 販例得給官服用文曰糾所以為此者 父壽終喪整率禮吊者交譽先是弟紳夫婦蚤世子女 孤用文與妻撫育周悉婚嫁產業優於已出其厚本

欠こううこかが、 徐氏賢而先卒子男四清娶周氏滋娶俞氏繼居氏潭 娶祝氏早卒瀹娶祝氏為邑庠生有舉才女三人董銓 晨與覺少不豫遽沐浴更衣悉召子姪使各勉業光大 舉全業各授諸子退處一轉小軒復號師仲真以開過 類如此至於與弊起發周貧恤匱之惠特末節耳晚年 門戶言未竟而卒距其生洪熙乙已春秋六十有三配 進德老而不倦軒之內列置圖史其外雜植花卉樂與 故人親戚觴詠其間至忘日夕成化丁未三月二十日 方洲非

勤 果毅所不如用文者多矣而逸生難老乃或過之用文 孫雲朱漢其壻也孫男七從子洪從女一適金淮嗟夫 郵定 文之所以不如彼者乃所以勝於彼也盖棺事定尚奚 沂 才而無敦本之行求其始卒全歸者蓋亦鮮矣然則 人常言富則多事才則多慮鄉之齊民孝友文行聰 以大為用文戚也雖然彼或富而無應務之才有其 一世汲汲不暇而暇後不久得非才富之所致此予 四月年書 銘曰洞孔之山孟冬之月 即直其南水旺其北 明 用

たこうるという間 孝父母服食未當先諸姊諸妹希賢甚鍾愛擇嫁歸用 希賢母俞氏素名有家法碩人柔順聰敏不妄言笑克 狀指予乞銘墓石按狀碩人諱某塔下村名族之女父 予友海寧縣許糾用文妻徐氏卒将辈命其子清奉行 禰 文事舅叔祥甫姑張氏如其父母處妯娌如姊妹而加 其生維天有星維地有水昭斯流傳百世無已 同些夫婦同穴其終惟始其死猶生不觀其貌不朽 許碩人徐氏墓志銘 方洲集

金定四百至書 姑有疾侍養盡瘁及卒哀毀持至始總治內事躬績紡 敬慎之凡閨門之修隱然有則人益信希賢家法可重 勝有禮雖庶孽恩意適均不自知為他人出也子男三 行夫婦蚤世遺子女皆孤幼教養嫁娶無異已子待侍 之用文雖有疾役緩急得所未嘗懷內頓憂用文弟用 歲禮輔勘發私積以贈給貧乏由是內外疏戚皆安服 以率羣下家業益振用文長賦稅常慮其督責病民遇 即清次滋潭庶子一名渝女三長適董銓次適海寧

次已可自在的 賢婦有子為賢母予交用文久斯言庶幾可信因叙述 先上虞人洪武問充調海寧衛小旗祖潤考普然她陳 嗚呼此寧姊丈許公之墓也公諱觀字用質號朴養其 所千户孫玉嗣子雲次尚幼生於宣德丁未九月二十 其事而系之銘日狀所書銘之與百歲之藏係爾夫 月日壁於祖瑩之次狀又稱碩人在室為賢女既嫁為 日卒於成化甲午六月初三日春秋四十有八以次年 朴菴許處士墓志銘 方洲集

金切四屋有電 **珠益劇成化乙巳十一月卒於正寝即其生永樂癸巳** 璋先後為庠生琰食麇累就鄉試不第卒公老疾因喪 生謹重質直警敏不露能容人忍已恕過遠惡雖犯不 春秋七十有三明年十一月廿五日塟枢祖塋之次平 氏兄弟七人公居五子三瑛娶周氏琳髙氏璋陳氏瑛 較甚則微見言意輒已其存也宗族可以稱孝鄉黨可 雖無華美動人而温飽常需珍奇莫及非不恥惡衣惡 以稱弟官屬大夫士可以稱淳正之人譬諸布袍蔬食

欠こり見ない 學童子寧方髯稚今五十餘年親戚如手足始終不見 哉飲而銘將以傳信久遠不敢不稱情也嗚呼銘日鎔 金其汨兮璞玉其泐兮善人其殁兮嗟嗟斯銘来者其 窮獨者舊凋傷於公之死豈直為姊弟舅甥之私哀也 其一言一動之妄謬視履考祥庶幾為行君子寧垂老 可質兮 食者孰能知其可貴寧開先府君初擇壻得朴養於社 楊冢婦劉氏墓志銘 方洲集

寅十一 並錢塘縣青芝場楊氏祖瑩之側卒之日父母哭其孝 **飲事瑄之女兵部尚書徐貞襄公之外孫生於天順戊** 冢婦諱徳順浙江都指揮食事剛之孫杭州右衛指 金好四個百書 揮使楊某冢子輅明年九月因產憂子卒十月十五 氏者悲其失愛女為楊氏者悲其失良婦更數日未已 其舅氏時用進士狀其行畧曰德順自幼善女紅饋食 妹哭其悌僮僕厮役哭其慈姻戚隣里哭其賢為劉 一月十六日成化戊戌正月二十八日歸同官拾 揮 H

次已日巨人的 當也予開春秋女婦賢而得書有備見其歸老卒葬者 以劉氏才懿嫁為三品冢婦他日於輅當有服命之及 性廉讓父母分以服飾若有慙色歸楊氏僅二年事親 **死者之衆可謂定論矣天之於人壽夭予奪何其不相** 其弟舉歸常稱女姑之美與狀語多合而今又徵諸哭 其所主進不俟宿誠而精辨及時在父母側謹點如不 能言吾舅甥問至今能想其儀容而不習其聲言也天 相夫敬戒不改其故故兩家雕然無片言問寧長女妻 方洲集

惡銘日維崑之秀航琅玕兮維湘之濕萎蘭蓀兮岐山 金月四月月十 顯宦 祖威濟洪武初以軍功授 昭信校尉調官浙之海 寧衛父鑑母王氏有二弟曰《洪叔英年十四納吾家聘 之鳳永失其凰兮延平莫邪終當復合於干將兮 百世而下固楊氏之宗相也志其墓而銘之於禮也何 今雖育而不永然為父為母之事身已備嘗死於憂子 七妻姓唐氏諱貞兵字淑英其先為山東萊州人代有 亡妻唐氏墓志銘

後四年始克成禮為吾妻婦道有足稱者然以閨門愛 次已日月在十二人 莽 荒蕪蛇鼠穿穴而柩木毀壞弗堪樂矣不得已而 土 其父以恩有後官予舉進士適自京田爰欲成整顧榛 雖天命有定亦人事驅聽之也自莫應及屬續之辰首 尾總十月耳時以衰門多故殯柩於先隴隙地後七年 年遠父母心常快快至是有疾益加憂懑馴至不起是 作矣先是其父以兵機失律挈家商戌浙東淑英以少 女未追整理内務吾母盖常教之情乎未盡其懿而疾 方洲集

並於祖些之側用附於太姑馬嗚呼生不能保汝於 金厅四周台書 年之後殁不能整汝於七年之前反而思之無一可者 祭祀主也嗚呼死而有知予則云然如無知乎遂刻銘 其有子當令他日合整我與其母於汝同穴不便汝無 予罪孰解馬中心之痛曷日而已乎繼今娶王氏女幸 婦王氏有子唐寔稱母千秋萬年汝祀終古 而志其虀實是年七月五日也銘曰唐之仲女張之冢 七妻王氏墓志銘

封孺人丁氏墓為昭移嗚呼孺人死矣其世系事實寧 與先妻贈孺人唐氏拉藍海鹽縣開濟鄉祖些於先姑 雲翰生九月孺人疽發背卒春秋四十有五成化壬辰 揮食事劉瑄嗣子舉次女恒清許嫁海寧衛指揮同 此有明禮科都給事中張寧妻孺人王氏之墓名瓊瓊 姚 承孫女蕙貞鸞祥皆幼殤長女恒吉許嫁杭州右衛指 字秀瓊處士王公玉女年二十五適張氏初生子貽哲 雄嗣子麟子雲翰聘海寧衛指揮同知方剛女玉温

次已日軍在時

方洲集

丸

皆守即家居以禮法約諸子諸姪孺人長女又沈孫淑 忍避遜而使之遂泯哉初孺人祖仕忠蚤孙曾祖此翁 慧盡爱之為擇嫁會寧喪婦年方二十孺人季父廣靈 氏守節撫教長配倪氏生四子二女玉行一配唐氏生 微愠見於醉面及動封父都及母妻官秩時已分俸歸 遭家不造父母素嚴肅難婦孺人甘心早作晏息無幾 尹用同為弟子員相知遂納聘踰六年寧領舉始就室 人及二妹二弟濟寬唐性嚴時前氏祖姑沈氏長姑

金分口屋有量

女已 习巨 在事 日父母老矣須仔細為之寧未測其意伴為廢閣忽變 少者親為梳整教以女工或有娠喜動顔色保護鞠育 姑夫黨餘及其父母至有不自沾口體者念未有子所 養章服冠帔之奉實脫籍珥質衣服以資不足而自處 不知其非己諸妾亦愛敬之若慈母景泰末寧當於燈 納妄羅氏許氏謝氏皆出其意撫諭諄復思禮優冷年 泊如寧屡奉差遣及禮即所得賜予雖薄物必先遺舅 下草疏偶坐至夜分問所寫云何因為略道其事徐對 方洲集

急少慮恐言語太煞直撞事不停當也疏入果忤上是 金江口及台電 潜使老婢詢從者問所由無何始就寢猶寤寐不安詰 後寧每有論奏終不敢以激刻行詞又當夜醉歸憂甚 後凡有宴集必申勘而往時官况蕭條歲常稱貸寧或 鞍馬不便酣醉夜行豈得無失願弗再為以妨大節是 朝從容勘日官人既為言官當先守禮法令牌帶在身 容日為臣當忠為子當孝妾豈敢沮誤正事但官人性 自嗟咨遽前曰妾見贪暴之官無不壞名取禍向臨行

次已日東西島 晨紡夜績攻苦樂澹布素不去身蕭然一儒家婦汀解 平居非問答無餘言非賓客無兼味非慶會不御金帛 門第二妹從其夫進士倪顒至京居寓近切僅一再往 無褻態二女雖甚愛念至訓誠則凜然謹節不少假借 不足自入京及守汀皆從行內外餘十年未當一出中 今衣食雖薄若比秀才時亦過矣不意官人乃更以為 時公姑父母皆以此戒我恐婦人輩爱豐富以界男子 返而已與寧許氏姊弟寬妻施氏皆相得甚雕終其身 方洲集

適彰夫醜我與汝等目亦不當視寧可慕之耶寧氣質 金月口是白電 釐偏無鍋鉄妄費常念寧父老疾二親亦年高語及 輒 委曲調發定而後言凡事有幽醉寧未得其理與之言 編峻無容人量孺人於尊早疎戚問見有不當意事常 有同官妻詣室服飾皆奇貨及去語諸妾日此婦好糍 悲哽棺槨裝斂之具皆欲預為備惜乎未克畢事而卒 洞中規矩起益不可勝道伉儷二十年一錢寸帛微言 細務未嘗不告而行箧笥所有期與諸子女均之無毫

黨州郡交於寧而知之者亦相與嗟悼惋惜嗚呼孺人 藏馬嗚呼孺人與不可作矣古云有德者必得其壽此 哉悲傷惶惑語不成章書不盡事即述其緊為之銘而 苦得失不復有知而言之者矣况乎疾病婚喪誰當極 不可作矣寧長其年一歲老病相仍中饋無主平生甘 死之日妾 婢働於室僮僕動於庭親族働於家隣里鄉 已者以老父尚在幼子女未嫁娶耳豈復有意於斯世 力瞻前顧後百念俱灰繼自今所以含表忍痛未即自

欠四丁至 二丁

方洲集

言尚可以為訓也夫此言尚可以為訓也夫銘日志之 處士姓莫名藏字用行初號佩鶴更素軒其先居汴仕 宋隨南渡因家海鹽曾祖秀祖彬考璘母林氏世為善 命墓以永存天理斯應 所書妻之允行一詞有安思神是聽熟界之材熟為之 士素軒生有令質奮脫庸俗雅好問學博沙典籍通家 隷行指書能詩雄有唐人風致善鐫刻得古印章法時 莫用行墓志銘

たこり巨公子 職子弟邑令丞亦降禮待或致膰飲馬成化甲申八月 禮哀慕迄於終身所交多名士都指揮牛循當聘訓武 講則傾懷信宿了如無替而事亦良辨弟通病察以死 授而造皆自及羣君勝集明傳滿座手執藝文言笑四 父患疽瀕死皆刲股作粥以進先後獲愈及殁整祭合 調護憂傷無所不至母林氏因喪子致劇疾三歲不能起 治從容酬應不覺其煩承家幹盡百務一身及招之游 作墨花亦清潤可喜天分過人巧思絕出未當一經師 方洲集 重

樂已亥得壽五十有八配李氏子男網縕縚緣孫男 寥海曲聰明晓暢如素軒者乃不獲少有知而今蛋已 皆未及見予與素軒交三十餘年親故之情何如也家 所著有佩觽稿予當為之題品又有該史詩素軒稿予 六日疾革呼子女教以後事口占一詩而逝距所生永 維楚之翹兮孰將刈之維駒之皎兮孰克繁之眄羲馭 濟鄉祖堂之次奉行狀乞銘志其墓嗚呼予忍不銘耶 凋謝白頭帳絕庸有既耶後二歲丙戌網舉枢壟於開

金岁旦是白言

汶濂净春秋六十有七成化已友始成整鄉老長稱其 顯達英雄傑泰復常其配錢氏子男二琛暖孫男四沂 儀以子泰貴贈監察御史母沈氏贈孺人兄弟九人即 自幼類敏讀書過目成誦初從許先生伯全學禮記後 海鹽儒學教諭因家馬曾祖彦芳祖廷佐皆處士父景 此緩齊先生劉傑季俊之墓其先居大梁高祖怕仕元 之忽邁兮孰主疾之嗟潜光之未泯兮天将有以緝之 緩齊劉先生墓志銘

欠二つる ハイショ 方洲集

律書數长於詩文音達世故成化改元修養英宗實録 會以合親友念族屬散遠為松秋雨露會以合宗戚念 無棄物為家賢長為鄉望士為色禮廣天性和厚未當 使者至浙舉先生同事甚見委重平生無慢人無競事 更尚書於進士邵宏譽甫長葉翠子業專意古學通聲 食指寝多勢不能保乃聽子姪處分田宅獨與妻子屏 疾言遠色人謂無愧緩齊之號當念鄉黨疎薄為同甲 居開曠以明已志晚年益肆力於學著作燒然德器醇

金克匹府全書

大三丁百八十 奉政大夫刑部雲南司郎中沈公卒其甥朱遂具行實 德君子履坦幽人逸休旋吉有責其身先進同歸後學 斯在論世考成可祭於社 病而悲先而慟耋而為之銘子所宜然也嗚呼銘哉尚 雅卓為士大夫儀矩予弱冠從澹軒先生遊其家塾先 之情出處殊迹而有資成之道不但一朝夕交際而已 生於予類居尊行而有朋友之義非婚姻家而有式好 刑部郎中沈公墓志銘

ŧ

走二百里来海鹽致公之末命日必為盡具須張靖之 獲交於公臨終之托予其敢解公諱彬字元質湖州武 康縣相溪里人裔出漢述善族封邑居吳與至伯什甫 飾行克邁前開仕至廣東南海縣巡檢因公貴封承德 始居相溪曾祖政祖士异皆力田務本考思義甫好禮 馮氏有賢德累贈至宜人初娶歐寧吳氏兵部主事稹 郎刑部主事進封奉直大夫刑部負外郎以高壽終母 乃可以銘我璲以是敢請嗚呼公鄉之先達寧以晚進

といううした 貴州司事累受勅語褒獎景泰五年丁父喪起服差理 是疾弗起春秋五十有九成化庚寅辈於秀獻山祖瑩 五年感風與疾奉古回原籍養病痊可赴部聽用竟以 淮揚漕運刑獄尋以吏部奏薦被召還京廢今任天順 郎正統十四年丁母愛服滿陸陝西司郎中兼領廣東 登壬戌進士第觀政刑部除福建司主事轉山西負外 事陳中女先後俱無出公由弟子員領正統戊午鄉舉 女繼娶同邑錢氏皆累贈至宜人三娶山西都指揮食 方洲集

會通所作文典贍清淳大有含當天文地理醫卜之流 多定匹库全書 歸不能拜起遇三令節猶北向稽首然後謁家廟初雲 無不周知未嘗輕自表暴藏垢匿瑕罕言人過雖素任 南司滋京北地訴訟山積典禮者多屈於威利公自准 術者莫測其際職雖在郎署累按大獄勘詳奏疏以能 之次平生莊重詳雅以忠孝自期讀書不事章句務於 揚還任以廉公自持司事大治後公卿有缺諸大臣累 材見稱每朝會祭享必齊宿待旦坐立皆有常度及病 卷二十四

かっついってい 書履把玩涕泣家人便為持去頃之復然終不能止所 無後呈婦子哀悼極力營盡可謂無負矣嗚呼人嘗言 付之命未當自欺先是思義翁念公一子遠仕以公妹 其清苦遺少財帛猶却避再三不敢輒受貧病終身一 居先世田廬祭器之外未當長有尺寸潘泉故舊或憫 優供自如絕口不絓世事間惟索其所藏先父母所寄 入婿朱昱公因付以家事生二子長即越次建至是公

疏薦公皆不果士大夫至今惜之卧病八年閉門却掃

郵定匹库全書 濟用竟以五品官終於下壽至無一息以延祀事天乎 骨猶勝乎爾 其然不得其平亦不怨天瓦礫恒存駕下不死玉塵駿 惜千里之馬速斃於鶩下過之者良舒成敗脩短孰 言遂揮淚而銘銘曰連城之壁先毀於瓦礫見之者當 天與善人公存心制行卓絕於人而文章政事又足以 人哉將聖賢之言不皆文寓也雖然公固無怨予則何 王處士墓志銘 Đ, たこうら かけり 寧與今工部主事們願康膳生向昭唐元士人李顯孫 皆早世大母潘母翁氏一以節終公配倪氏子男四人 悅其孫壻也曾孫男四人乾坤雲漢女如之公失父 長五娶唐氏璟娶朱氏用岳氏瑄沈氏王有行義人多 有可以節聞將表其問次適寧都訓導問點孫男女十 推重用由國子生任鄱陽知縣女二長適沈裕期而寡 公姓王名忠字仕忠世居海鹽以田業起家祖福考時 (經濟弘蒙宇鐸濟宗子經為郡據寬邑库 麋膳生 方洲集

一欽振孱弱公無如諸子翁年高康裕敬養備至稍不悦 金定四月至書 義又善知人寧方議姻時尚未釋褐公一見曰不謬也 早門户表弱無厚積弟信與于氏妹皆少强力奉母內 輕背負以燒喜而後止至白首不怠母子之間所謂更 承外任居常晏如弟妹婚嫁悉仰給其身信蚤世從子 相為命兩不相負者矣為人勁直弗阿不以響恩廢正 不可多也自少至老未當少自逸日飽食暖衣無所替 力主成之平生不食兼味卵畜口口腹之欲物命所關

次已日巨在雪 君子之澤至以升天地鬼神信有徵 命作埋銘不敢辭遂述而銘之寧撫念今昔豈能無感 得以高壽終天道與善信矣春秋八十有四成化元年 禮科都給事中出守汀州便道過家會公整期妻父玉 務非所以示子孫法邑大夫歲具來帛實之鄉飲其為 也銘日孝而義直而誠本之固末乃榮子與孫眾且名 人孝義並隆動輒有則如此宜其子女孫曾士仕相望 一月十六日與倪氏合整於城南先壟是年秋寧自 方洲集

諱妙慧考即母俞氏皆海鹽人三姓相當子女克類遂 處士姓王諱玉字廷瑞號隱庵考仕忠母倪氏妻姓唐 為婚姻父母舅姑悦其孝兄弟妯娌安其常內外男 各得其分終仕忠夫婦之世官無所擾私無可虞家室 士壽七十有二唐壽六十有八成化十七年合整於甘 和平喜憂禮備晏然孝友之門皆處士夫婦之力也處 鄉祖瑩子二長名濟娶張氏生孫乾曾孫紹隆次库 王處士夫婦墓志銘 + 欠三り 日本島 銘曰生同德长同室死同時盡同日同穴而封始終 嗚呼翁母胡可及 所親愛何必過苦哉嗚呼處士族姓甥姪甚多具載仕 忠墓志兹不備因處士為王氏宗子故書其本事特詳 守倪嗣贈孺人季道徐耀旨蚤世處士骨肉至親惟弟 土之日散亡幾盡惟仲弟廣靈尹用與二子在人生於 妹子女十人耳當時世故不齊無一不關切其意今即 生寬娶歸氏生孫坤女三長適張寧封孺人次適准慶 方洲集

素擬之人今後已矣豈仁壽之理果無繫於造物者耶 金定四周有書 嗚呼余尚忍銘公瑞之墓哉友道寥絶朋交不心白頭 名珪字公瑞號蘭嘅警敏和美形骸价整天性孝弟居 君考諱即兄弟九人而即為长君兄弟三人而君為長 余不能無疑於君之存亡也君世系具載叔緩齊墓志 奉輸京織事多齟齬君强力就緒南還諸伯叔父甚慰 父母喪既釋服每遇春秋思臨輕悲泣如初喪當長賦稅 鎦公瑞墓志銘

樂物以自保羸瘦日臻杖而後舉在苒八年而終春秋 襲如護珠璧平生賦詠構思頗達而成章可愛是又得 勞之君徐日事亦如許爾豈有自辨者父友祝仲容孔 於靜專之力有關嘅集一卷年三十被疾乃聚方書貯 居者輒憂念弗置與人交别白雖明不見惡愛之迹故 世昌之子迨今為通家諸弟或稍縱必婉辭止之有不 人多親之平居自處甚清澹獨先世所遺圖籍躬自什 世昌死且數年而仲容之妻女儲無儋石君恤問周至 方洲果

欠ごう正な馬

三十有八娶沈氏有賢行子男二日翰日渤先是余舉 進士赴闕遇公瑞道別慰勉之餘出詩卷曰珪不幸夙 **膺重疾平生百事無堪每見古人風雅思欲模做一** 書也嗚呼惜哉遂攬涕而為之銘銘曰謂暴致天兮仁 為我是正母今有他日悔也當時所觀余尚記憶豈念 以記歲月不喻殘喘復假我幾何日爾今所就數篇子 相去浹春而幽明永隔嗚呼痛哉余力能知詩他日當 取遗稿拔其尤以附作者力不能則亦永感於無成之

金定四庫全書

莫考所自曾祖振宗祖萬一元季為海鹽人父均祥隱 餘巧思溢發為文章頗以多能見稱聲譽之隆實由於 儀觀清爽岐疑過人甫長雅好文學博集羣書年二十 德那仕以行義聞於鄉配葉氏生子二長為先生自幼 先生諱贊字順德號養正其先代世系譜牒失於兵燹 兮耿天壤之悠悠 者宜壽謂剛易折兮孫則何尤蓋死者而有不死者存 養正陸先生墓志銘 方洲集

或值元宵除夜猶能於燈下作小指書頌以教諸孫天 嚴毅莊重晚年益自持服日則深衣巾優徜徉於林囿 間平居無坐輒復尋討圖史雖年在衰微而精神無恙 先生益深自珍重未嘗率意與人而人益難之其行已 有造見者故鄉之民風里頌之作出其門者餘二十年 志苦思日就雅望凡縉紳當路道出是州者必問其名 和元氣之節於志誠者至老不衰也先生以世俗湮於 此初海鹽自元順煩擾之餘文氣東弱先生獨能以刻

多定匹庫全書

7

欠三门三 AIST 蜀 方洲集 錢 氏死之日 形於門者皆衣冠之士其友海昌蘓先生 年為景泰紀元其孫慶隆以是年十一月十六日舉柩 歎 也書法宗智永而自成家篆隸八分間出於詞翰中 簡易士大夫多傳寫之迄今未有能為壽諸梓者蓋可 東貞合鄉評而斟酌之題其施曰貞一哀無爵也後七 疾之晨召子孫語以後事數日而卒春秋八十有三娶 平生文事思緩筆精始終無急就之作其不茍如此嬰

老佛憚禮文之難而喪不成整著居喪撮要一書以示

金江四庫方書 處士之先本山東官族隨宋南渡至浙居錢塘五世祖 傅嗚呼斯文千萬年 遂序而銘之銘曰貞一之行光於前貞一之名弈世以 有為之志者奉先生行狀請銘諸墓予於斯重有感矣 合莖於開漸鄉先隴之側是時老成同學凋落無存未 嘉與曾祖傑字军人仍萬戶職國朝肇後華夏遂解所 一元宣徽南院使高祖億嘉與南衙萬户自是始居 南溪處士賀倫墓志銘

次已の自己か 佩金牌投幽蘭井通居平湖號半村道人終身不復仕 為銘遂按之為志而銘以系之曰其流也有源其作也有 樂琴晚居南溪復以南溪為號生二子其長恩治家事 春秋五十有二歲與寅十二月二十七日整於曲經之 次禁入郡库授經令大行人姜用貞資費略盡終不倦 原瑩以予常交處士每過從執子姪禮姓之前具事實請 文貞介石遣從陳竹隣先生學遂有詩名素善琴自號 祖信字伯循如夏氏父偶號介石此曹氏處士諱倫字 方洲集

	 	 	 -		
方洲非卷二十四				傳克承克裕惟處士之賢	金石口是白星

劉氏諱德奉杭州右衛指揮食事追之女浙江都指 COUNTY SET 飲定四庫全書 淑人又兵部尚書徐貞襄公外脈門望相及德懿有自 **僉事張洪之妻封淑人初瑄父剛洪父勇皆先後制闢** 墓志銘 方洲集卷二十五 張淑人劉氏墓志銘 方川東 明 張寧 撰

體風夜不遠懷抱弟舉弱齡多速常百折調護至襲指 處閨閣而達門户之事委心順正而不忘父母之思子 童婢尊中疏威事皆得理恪守貞静而有明決之見深 繼宗五恭而殤年甫芳盛遽勘洪置側室及有娘喜徹 整客無一事缺失此三者使中立非人稍涉觀望則舉 揮飲事猶受教不置於盛業多内歲以公務遠行內外 中表維持盡委曲所生子繼祖方彌月躬就稱席切魚 年十七婦洪體領茂異絕善婦事事舅姑待婦似下至

金分四月全書

父老當無後洪父死不及見孫洪名位造端亦未必遠 弘治元年二月九日廣西布政司右祭政朱公卒於家 失其凰安所為侣分 也謹志其實而銘之銘曰蘭蔥其姜今珠壁其毀分鳳 素親習以所知質都陶君手狀其信然不可使終無聞 五以弘治元年整极於祖堂之次子女適割舉於淑人 至於此可謂賢孝有識卓子女婦之傑矣春秋四十有 明故太中大夫廣西布政司右祭政朱公墓志銘

欠己の日本は

景泰丙子領鄉舉主司録其文以進明年會試登柯潜 文補邑庠弟子食康膳初讀尚書進春秋博及餘經史 俞氏妻終氏皆恭人公幼題悟九歲習章句十三能屬 和北原里考賢以子貴累贈至中憲大夫廬州知府母 事汴京從南渡居臨安曾祖德貴祖亮洪武初始籍仁 為墓銘按公諱鏞字廷用號垣卷其光彰德安陽人執 行托其族权持廣濟知縣江震事行狀道公末命求予

金为四月有量

卜整得近日長子庠生洪方毀務次子徵先已應薦北

弟皆誣逮他人具獄上讞公閱成案應得實盡平反之 殺其師匿跡服喪舒城民婦因姦殺其夫六安民殺從 北畿甸行殿及鹵簿公具陳緩急所宜皆寝廬合肥僧 以武昌商稅所入業修建人不知費時希事者欲新南 榜第二甲進士授南京兵部職方主事丁父憂服閥改 之命自入仕後屢乘傳就行事皆立辨丁且禮部會試 預考春秋卷士論得人在營繕適幾府災民方国食計 工部營繕主事陞署郎中出知盧州府扶滿尋有廣西

たらとりまたとはり

方侧集

金女口上人 出脫却世故日以黃老方樂之書自好與致仕大理鄉 平鬱林城還師桂林有疾遂得請致仕歸仁和深居簡 給苦進階有加贈之典都御史張公鵬考聚都縣復勞 無不心服御史劉君忠魏君東巡按治地舉奏旌異因 可落落若難合而情致幽深文詞豐蔚意見所至訓應 會於西湖山水之間號歸榮雅會平生崖立負氣慎許 夏公李爵怎副張公鳴王都間陳公彦章數人觴該送 公以羊酒文綺甫至廣西遄以軍務行邊紀功蒼梧督

次定四車至 或不良然家不比存世不常得造物秘餘終歸山澤後 瑜玉天下之美産也冠服号劒珪璧瓚璋為飾為用無 生年壽六十有七以是年葬於大慈山之陽銘曰錫金 愧於古人也公二子三女孫男三孫女五以其卒日距 事業溢為餘藝皆緊然有見而於進退光壯之節尤無 為之下咽而卒哀痛過率信則公之為人大本素立加 不窮狀記公少時害則股肉愈大父危疾及母產難復 以學問之功宜其守足裕已施及澤人發為文章擴為 方洲集

鳴呼中夫其就斯墓矣述其行以銘非子而誰中夫諱 之人將惜其所往而不知其所不往者猶都乎英華之 樂安縣丞她張氏唐氏中夫生十年宗行以公事殁廣 立初字可與後更中夫號遠卷世居嘉與自祖慶業儒 可即也於子盛哉 為鄉校師祖子傑能詩善書考茂字宗行山東青州府 西慶遠道中二母守節教養資給極苦辛學始成業正 翰林院孔目支中夫墓志銘

場屋氣襲有廣志稿文瀛軒集間載慈幃十詠方牀酒 至是蓋一變矣其所者作詩過盛元名家古文能脫去 林與羅状元大經友善相切磨始敦本質以為已為功 稱得士其學務體認造詣甚深於書無所不讀旁通緊 改常州府學弟子多造就預考順天府及江西鄉試時 第一景泰辛未會試授池州府學訓導丁張氏憂服滿 統癸玄郡守黃公懋選補府學增廣生明年鄉武春秋 卜有及人恵然更事父應接頗事遷就及為孔目入翰

大足四車全書!

方洲集

不至唐當失金到尋冤無所得中夫自外歸遠易飲以 遭家不造克謹小物不肯毫髮輕賣惟為孝一母無少 喪不歸輛哽塞於邑涕泗交下移日不能自止聞人行 進勘生母那介意以傷母懷二母相為感泣孔子謂生 自廣常怨乞訪求其念根心刺骨至死将不與目平生 以得其為人子少與中夫交今老矣每見中夫言及父 壺十處士傳旨關涉世故誦其言觀其行雖隔世亦可 事盡日死事盡思如中夫者其庶幾矣壽七十有二配

次定四事全 ·嗟夫敷未可死胡為乎而遽死也勳字舜臣年方三十 有三未底下壽煎父諱择字彦舟老未及養母馬氏死 之則是聖久之徒嗟嗟乎中夫 雖游夏之文不先於曾問之孝有斐君子洵美不虚布 矣老失知已傷如之何哀哉銘曰孔子之門為徳務要 鄉舉人虞熟墓誌銘 方州集

潘氏侧室陸氏李氏子男七女四孫男五曹孫一弘治

已西九月莖於嘉興奉賢鄉先登嗚呼中夫信就斯墓

之其後一當問業于今學士日公逢原卒學于今學正 整如決江湖而東注之瞬息千里不可一暫止子心畏 未及差子曾直大者六歲小者関春未及教女英城重 摩所作文如開武庫而戈或森然如閱鹵簿而隊仗嚴 生學詩文繼從尚志許先生學舉業天資絕出領級不 未可死也胡為乎而至此耶始余與舜臣從雲壑蘇先 未及嫁妻王氏未能相偕以老弟烈未能相爱以終門 户盛大前往而後未屬學業勤瘁厚蓄而未克施舜臣

分グロノノニー

曹君以安所造益深遂補弟子員邑库尋以詩經領浙 當銘諸墓至彦舟克邁前訓一成而無所改作其世系 視一世鄉之老成後進無不延譽而仰則之其死也予 歷固予所熟悉也其祖諱澤字巨川平生樂善好義洞 例還讀書於父母之所苦心刻行至忘寢食因以致疾 又子所熟悉也夫世有不善身有不善死之可也處有 會母喪哀成過度氣體虚贏脾胃敢泄刷至不起其履 江天順已卯鄉薦會武禮部中副榜解不就入太學以

一次定四車全書

通辭弟曰棠棣花前日已通鶺鴒原上正相呼別妻曰 位而事多愆死之可也舜臣有一於是哉弱為乎而遽 能勉一嚴君雙目閉重泉他作尚多不及盡載嗚野臨 平生相負休相怨誓死應煩學古人示子曰耕學他年 所遗諸詩其辭父曰蚤期禄養與思封誰料中年運未 日子往問疾則有付托之言後一日子往哭之則見其 使之死也好臣所居徳正鄉去子舍幾四十里死之前一 损於鄉顯有損於國死之可也盗虚名而實行缺父倖

危之際言不及亂非常士所可及天能少緩其死所成 成其是人皆樂好而望用之廼不克大顯其材以死其 豈在人後哉此余所以惋惜而悼傷之也是年冬弟烈 已好惡用舍出乎人壽天成敗懸乎命君强力為善而 見屬噫余意也因欖涕序而銘之銘曰善惡是非存乎 奉倉舟命率魯直二子舉柩並於夾阜山之陽以銘文 命也夫不然天或將斂其施而歸諸磨乎歸諸直乎 劉公東墓志銘

欠足り事 とい

方洲族

詩善文授尚書經傳於士章許先生智舉子業既成以 從外祖宗道先生讀書不甚題達年十四五頓開悟能 三君行二兄珪字公瑞弟珙字公現君名璋字公東幼 不朽之圖於下執事按君考諱野字盂顒配孫氏生子 孤以埋銘見屬曰亡姪惟靖之能相知敢以二孺子托 予友劉君殁之三月將營墊事第六权季俊甫率其幼 父遗命出壻於嘉禾新坊伍宗序業遂止善經理生蓄 請達世故動合典則鄉人豹然稱宗序得住壻久之兄

金安世屋白書

大略矣天順六年夏自宗序所得腹脹疾彌留歸與弟 數月而返狀元柯孟時見君深相恭重因同榜二十八 抱負會第七叔泰以進士選庶吉士君因侍季母至京 學長不成名思欲遠遊通都大府博觀要會以發舒其 望雲室曰夢草各有詩文一卷以寫情事嘗念早勤問 人在翰林者賦詩餞送頌美相同此亦可以見公東之 分咸當禮蚕失父母長復曠離兄弟因名其所居堂曰 公端卒君哀痛殊絕所遺諸子女嫁娶事一皆君所處

欠足四重 主

方洲徒

自重雅即往來君家遊君叔姓問當時門户全盛少長 憂喪之年復見公東下世哀戚相尋歲月如夢銘文之 猶幸同氣之尚存足以飲舊故处情好於將來也不意 無虞一門詩禮益然相望及子從仕十五年問君叔之 男二相宗相賢是年冬十二月葬於新坊漢溪嗚呼子 珙擇静室避喧食淡以居逾月疾益急適其妻來候君 死者四兄弟之死者三向當哭公瑞於京師而銘其墓 撫二子曰長使就學成人語畢而逝春秋四十有三子

金少口匠人

卷二十五

屬為墓銘嗚呼余敢以病辭哉按公先世鳳陽縣廣德 成化乙酉十一月十一日海寧衛指揮同知崔公卒於 鄉人曾祖福仕元為官卒將歸太祖皇帝從征有功授 家計至汀余哭諸病中又明年丁亥余謝病還淑人李 作非子兵誰哉銘曰裔出大梁族望海鹽出野漢溪死 氏小葬公海鹽縣十四都豐山祖坐之次弟章來致詞 遂整馬文脩行潔為世所傳生有二子 相宗相賢 懷遠將軍海寧衛指揮同知雀公墓志銘

Cot. Joseph Likely

方洲集

善文事所交皆知名遣公從秉貞蘇先生遊周旋俎豆 職時府君年諭六十慕黄老術輕施予賓客益盛小不 大志偉驅幹多背力騎射精提器識不羣宗孝府君素 違禮平居無狗馬之玩服則觀古圖書接賢士大夫觴 稱輒不懌公方康薄委曲承順惟意所向及發整祭無 問多所聞見故能詞翰達事體凡所施設蔚馬可觀代 忠字宗孝世其職配恭人劉氏生公名端字惟正少有

一 一 一 一 一 一 一 一 一

金華衛副千戸祖英界戰功陸指揮愈事調海寧衛考

卷二十五

盗坐主首者餘盡釋大獄斯解其後處婺山民相扇弗 繁县衆有司素與盗惡傳致其情將因奇小案誅之時 鹽自此或可以少警正統中有盜倉庫者事干軍民速 尚書孫原貞巡撫浙知公亟命訊覆及伸理詳允竟以 耀兵战旅臨之以威重倭酋帖伏識者謂聲能動逐海 詠盤桓雅雅而已及臨下應事言論英發無顧思問者 **貢還所過求索至攘殺手刃人經浙藩泉檄公防護公** 奪氣即其歸內寬外嚴士亦以此附之景泰間倭夷入

是巴马西人生

方洲集

總指揮歲更守所分地嗟夫浙東西衛所十有六壤土 也會薦疏以聞下大司馬集議以為良便署其名為 牌事平賜金綺楮幣進今秋先是倭夷數寇浙東西邊 婧記遣都督徐恭總內外兵數干往數捕當致公帳 千里列街攝職者干餘員得材懂若此豈可謂非偉 其地險遠總督巡治者歲僅一至人智備弛廼廉察諸 数率助兵搞其巢穴生擒賊首陶得禮上功幕府給金 一指揮謀略果勇可以固城守者分總要害惟正其

金牙巴尼白書

弟 哉然公亦因是為感激自許竭精神思慮水陸之行無 雲僅六月而公就木春秋四十有三死之日士無親疎 公父子間踰三世矣所以感而思公者固非一日之 人無少長無不驚悼問有垂泣者嗚呼自予祖予父交 嗚呼情哉公同母弟二長即章娶沈氏次甫先卒異母 係之矣又以無子故過服補劑積熱直發背過至不起 日休用能備舉廢陸致士馬精强而勞頓因憊疾病 , 曰綬娶朱氏淑人干戸亨女無子側室朱氏生子

於定四事全書

方州集

将在其後耶嗚呼公其死矣天耶人耶身耶子耶 祥而聲聞題造物所忌那或其已定者不可移未定者 **选芬薦灌瓒耶登降未具胡然已耶豈美好不足以為** 况銘文之屬予忍辭哉銘曰嘉木合抱柱明堂耶靈草 必能復始成立之年余無幾病老尚存舉世德以教之 皆是雖欲不思公固能之耶公世仁厚未當絕物子雲 也况道遠人亡時之貴賤死生輕重低品錙銖輛見者 邑庠原膳生許瑛墓志銘

たいじノイニー

其平生庶幾有子所謂為人孝弟孟子所謂善信人使 男不育惟二女皆幼成化乙巳五月卒年三十有七論 兄弟朋友各盡其道雖隣里重僕皆樂其和娶周氏生 豎戒勿近火瑛輛解衣温被席母性嚴每委曲順事處 許生瑛字廷瑞吾姊子也姊適許處士觀生三子瑛其 不第憂禄弗速養念慮蓄積剧致羸弱父常隆冬患疽 子業讀書窮晝夜補邑庠弟子員給虞膳近十年累舉 長志行偷潔質性温實不事遊戲從澹軒許先生學舉

大足刀事在自

方洲旗

實天子人哉 大成也因攬涕為之銘曰父母之望兄弟之懷秀而不 家子以配二孤女其妻深自感刻死而有知瑛尚可無 吾已處分與瑛妻預營一擴與其穴同封以俟徐擇名 以為情二弟琳璋擇以七月十三日整極於祖坐之次 獨無託於甥亦少有真况其父母皆老病所遇若此何 得少延而克大馬將必有可稱述而止於是嗚呼吾窮 朱處士夫婦墓志銘

濟鄉之原鄉之人莫不歎羨公夫婦福壽死葬無不相 C) C. J C. Limit / Likelin 偶是周出於先定宜亦有所承致子聞處士少壯時好 祐鑑三子分收不遗鲻鉄處後事了無缺惧十月初三 朱處士諱亮字德輝與其室碩人鍾氏平生以勤儉起 日卒于正寢後碩人僅二載其壽同紀是歲合整於開 强健無異平日於卯冬得滞下疾知不起悉財產召福 相敬不衰成化辛丑碩人年七十有八以疾卒處士尚 家積累致殷富婚嫁及時子孫蕃行二老人年高無恙

方洲集

遊郊市随其所遇雖村歌野戲亦聽玩竟日未當固滞 從成海鹽其三子福娶王氏祐王氏鑑杜氏孫男九人 人內行修備克線理家務其實賴之得一日息其夫婦 作老人態人益親之同時單行皆所不及又當自言碩 曾孫六人雄之前福率二弟詣子乞墓銘子交公久不 博少得喪輒自止善推移合散與俗相軒輕家業用是 相成始終信非偶然者其先為慈谿人父敬她張氏始 日廣人不見其煩勞晚年亦閱適祈寒暑雨無日不出

敏灾四库全書!

宗一甫之業門户之事實惟公幹盡故雖刻意經籍繼 言論不凡大為士大夫所推重蚤喪父彦昇甫獨任祖 獨如鄉人之歎羨而已鉛何能辭銘曰位隱之良家室 子員治禮記善書數沉重有謀能簡別物理容止可度 斯光齊福齊壽同穴而藏子子孫孫永世無疆 公諱鑑字克明世為海鹽族自幼以俊秀選補邑庠弟 太學生張公墓志銘

大巴印 上

方州作

登場屋志竟弗遂正統丙寅以學行老成升國子生餘

等弟語之死且與目也及箕至公飯棺已彌月過集舟 動好四屋有書 多問吾兒箕將來幸見之當令竭力代養即有不幸公 余與劉侍御世亨叩公即所問所欲言公嗚咽作聲曰 疾卧放舍在再瑜時醫樂因勢制致不起屬鎖前數日 後事非一不能盡言但母陸氏年高深恩未報負誤良 十年歷事南北御史臺以勤慎稱乙亥赴尚書選部屬 行泣拜請銘諸墓地是固朋友之道也况公之為人守 車為水陸之倘奉極歸葬於先熾配劉氏有賢行箕將 **港二十五**

曾祖武祖明之父景文世居嘉與生公南十歲而祖父 亦惟子是圖敢求狀達乃按狀為之誌公名迪字元吉 曰狐獲絲盟幹於兹十年光君之行惟子是知其不朽 子友姜君用貞喪其父之三月致書京師以銘文見屬 祉庸錫爾後 之曰緊此善人維士之秀才與命違行不值壽儲休委 而未達猶有可傳者烏能不銘遂序次其實而詞以系 姜處士墓志銘

欠己り年 白書 一方河泉

甚疎遠皆處之有思與人交一以誠信相與未當視貧 皆喪時兄達客遠弟進尚幼家業中衰公雖在童孺安 讓舊田宅與之自以勤苦立門户而友愛弗替族屬雖 富為俯仰宣德間被輕緊獄將罹重憲時連坐者頗衆 祥恭謹克舉廢墜事母氏甚得子道母素愛幼子公悉 公教然獨任其弊餘得釋後竟獲免正統已未隣欠煅 服具雅量季子諒即用貞也少明敏公遣補色庠弟子 公屋舍略盡守臣將問罪所由公極力為之辯解鄉黨

金牙口匠人一

宋氏有賢行子男三人孫男二莖根於祖塋之次銘曰 享汝三姓之養也其立心制行類如此公春秋六十配 他日有官當以清慎舉職使人曰姜氏有子吾雖貧猶 少而聞義長而不渝修其在巴而天則迂豈造物之無 曰汝荷朝廷作養至此吾非欲汝速富貴以養父母願 領鄉薦赴禮部兩以副榜辭歸公訓誨一如平日其略 古人忠節事必呼與語有不善則曰若所當戒也及諒 員從章景常智舉子業夜歸必自課其動情每讀史至

TO DIET AND IN

方川集

潜默 微亦冥冥乎有需球琳琅玕出自几席尚有榮光昭赫 吳處士墓誌銘

以侍未倘今碩人枢料發引事已風具而公就木夫婦 期二十日處士以寒疾卒于正寝古者士踰月而盡所 北溪吳處士卜以弘治二年十一月葬其碩人朱氏先

始終若有天定者同日成益於禮為宜按鄉舉人朱天

行狀處士詳廷主世為海鹽永寧鄉人四世祖公

一、八丁之 八十 一方州其 發雖涉險胃禁不直不止常積書延師以家事委祥瑞 建炎時仕至监司曾祖廷珍祖用和考保和皆弗仕保 二子命季子花與弟禧率諸族務學今相繼補弟子員 和用有材幹能隨世和俗以立基業生大夫子四處士! 結納惟恐弗建和厚之風可挹惟遇不平事則毅然奮 裕兄弟友爱甚未當去左右遇賢士大夫知名者傾身 必振吾家及長又得賢內助益勤耕織治生事家業日 行三早克幹盤父與母陳氏常舉之以勵族人曰此兒

一致 好四牌全書 先已詳志碩人墓石此特叙述處士世系事行為銘而 此處士所以有写於內外而不為勢力之所移也噫 登太學脫年自號北溪漁隱方將優游自適以樂餘年 **塟者厳也死者歸嚴於土終隨化盡為之衣食棺槨以** 同座之銘曰識能達務才可有為信義是持剛毅時施 不意尋至不起春秋六十有六其子孫嫁娶名氏擴地 **飯固之此生者之心死者固無與也猶欲厚葬納生器** 方洲新瑩碑陰志

大王马和 在上 稱家之意但念寧系出吳與身在老獨不可以不識海 置備已定為我後者臨事从速各無所增改無幾前人 置用物於幽冥之地宣知孝者哉寧家素貧薄夙承先 時因併作壽藏及附雄六完男女斂雄之具素仍前規 夏蓋亦有所本也近避水患遷基先孺人自顧年制及 於體玩器粒盒一物不入於擴雕文殺殷周而質循虞 黄楊木為簪喪儀用紙明器用木金銀珠玉一毫不附 訓每整性謹具衣衾棺椰男束木带女戴漆冠約髮削 方洲集

金万匹尼石言 應不速信美信庵在此東谷 於赫處士惟行之淑胡厚其材胡嗇其福天監孔昭而 封之以壤樹此乃遵時制而從土宜不敢不力也 鹽潮汐浸淫土薄地濕不可以為坎為是表之以碑柱 熟委精英毓琅玕乎而孰布嚴凝瘁関旅子而孰訛虫 墓銘 鄭東谷提舉父信庵處士墓銘 孫恭人方氏墓銘

飲定四車全書! 維蔓之豐兮蘭蕙易率維靈積陰分卿雲疾逝彼何人 斯分嗟此早世 以銘其、堂 潤其居或以資于時自其身延以及後人既固且寧爰 蝇騰鳳鸞乎而孰司釣銜表閏門乎而 徐淑人謝氏墓銘 義官錢繼宗宗遠墓銘 丁處士墓銘 方洲其

濟一徳用光 不可其寒斯冰其肅斯霜於嗟淑人惟室惟堂孤寡之 生不苟全死不速朽遗行在人紀述有後 美後百掛年式克敬止 もうローノニュー 冰霜寒肅類非長物者至於備暑之用成歲之功非是 有是大宜有是婦有是親當有是子賢節相輝慈孝具 崔淑人李氏墓銘 柳莊劉處士夫婦墓銘 卷二十五

詞百爾箕帚一或兹 夫之益友子之嚴師慈言懿行遠格思直其然乎狀有 温州衛指揮同知陳網墓銘 東川軍民府通判沈後母陳氏墓銘

骨百世之名視彼下乘其相去豈直死生也哉 龍媒顧的十里之足也既調既開亦既就御朝發夕審 曾不速至非徳力之繇然實氣数之遭際於乎千金之

火での年亡島

方洲真

日山吳珫汝秀妻趙氏墓銘

無歸附整考妣嗚呼嗟哉女中君子 無祭主烈日嚴霜水清玉美奏告已行旌封未舉沈氏 沈裕之妻王忠之女二十而寡七十而死生不再天死 經垂戒書卒書並魯史攸載美不自表善不絕聞靜以 夫婦之道陰陽協同動者畢見靜若無庸無遂無儀聖 動願於嗟碩人 沈節婦王氏墓石銘 廉州府學教授黃楚璋先生墓銘

嗚呼先生通顯之志未就而問散是居乃能素位自安 敬克戒成配維何克孝克恵玉瘟山輝珠職澤媚百度 用弘歷世無替淑女之述底幾無愧 聮 世德鍾祥慶源錫懿克顯厥宗克成厥配顧宗維何克 CEDENT Action 力以及其餘晚以親故全歸官途古之所謂令終者 處士館仲通妻鄭氏墓銘 諸立夫母皇甫氏墓銘 方州集

於魯庵繼稱之宗維漢斯存本支不替有昭斯文 維朱之先來自發源肇業從仕縣宋及元顯祖之澤漸 優靡成既懸既維周道是辛 輗軓惟車襲此坦遙艛艣惟舟去放湍流致速靡及視 以傳無幾乎紀似姬之賢而享其全 章於問然充於飲然謙順而栗然其先也以承其後也 義官何公墓銘 魯庵朱處士墓銘

葉通判墓銘

狸氏三世皆以武功歷遷觸秋桓桓懷遠克壯前散超 芳譽延休士林 止惟節枯楊云神絕此粵藥孰尸其事孰隱於心尚有 樅梓合抱深根茂枝弗楝弗梁而以稅棟遇用惟時進 懷遠將軍杭州右衛指揮猩公墓銘

次定四車全書

- 方洲集

殺或利生戡或輔徳此所以壽考令終而子孫無數也

登大職爰總偏師允異僻匹原其為人典重平實是以

流而深不有旁施其將浸淫高不乘危盈不專清允如 女之婉靜或過於柔婦之順事或慊於禮母道慈為則 之人直其能淑以遗爾子孫之福 九仞之山積壤而起必有所因其末弗把干項之波聚 罔缺閨門之儀豈惟性能君子是資謂此不信請徵狀 **她於教內政寬尚則妨於禮温温碩人所向具宜咸正** 周碩人墓銘 介庵吳公墓銘

孫之慶 近足四車全書 人 維德之令維位之正維家之順維睦無競於是乎餘子 詞 家室安協子婦儀刑偕樂合竁存順及寧於嗟乎先生 有積於家內外惟慶有隕白天榮壽惟令爾子爾孫及 義官沈公夫婦墓銘 中年教諭陳公夫婦墓銘 壽官祖公夫婦墓銘 方洲集

怡樂也 顯於學壽考康寧門戶清約有以夫處士之所以終其 於惟處士有善無惡居常處難所向克若子全於官孫 克敬克戒不如不專閨門之則婦母之賢 爾曾文昭嗣祖業其永無惩 遺安處士陳公夫婦墓銘 怡老處士朱公墓銘 **未碩人曹氏墓銘**

10 合流之水其下必深連理之木其未必茂向處士夫婦 丁之先世居浙東外祖允中處士始遷海鹽生四子 內外相濟以成厥家宜其邁德於前而克裕其後者遠 夫義婦聽生順死安千秋萬古有墓於原 行状 求吕文懿公撰先母丁氏墓志銘事行状 坦菴處士向公夫婦墓銘 女

一次定四車全書!

方洲集

服日夕侍側及及哀徹四隣因致疾骨立幾危臨葬霖 **姚各盡道不肯當記先祖有疾家君與母盛暑不脫冠** 言先母性至孝在室善事外祖考她既適善事先祖考 十有六将以年月日董柩於開濟鄉祖登之側家君當 母生於洪武乙亥十月二十八日五時殁於天順庚辰 母行一二舅曰鳙曰鎬皆先卒今惟母姨一人尚存先 雨不止母焚香籲天大暢達旦修審藍畢後雨歲祭享 一月二十一日酉時受勃封孺人甫及三載春秋六

一钦定四車全書 改乃已故不肖兄弟粗知記誦姊於女事之外亦頗解 養極嚴不肯兄弟始終不敢於先母側輕一言笑不肯 哀敬不渝時外祖如尚存母曾延至於家左右順志色 未當物止且或助之見所為有過犯則終日不言知而 少當情於問學家君立杖之母縣攜問家君具言状母 孫男女四人 甥三人皆幼先母於子女雖甚愛念然教 為色库生娶施氏不肯娶唐氏贈孺人繼王氏封孺人 養無違先母生子女三人不肖有姊適士人許觀弟宛 方洲集

皆所留心各有條理家無棄人人無廢業生蓄有方小 有盜夜穴墙竊器物者既覺而去母以蹤跡計之曰是 百里外如面見雞頑奴悍婢無不懷服不肖尚憶少時 於貧恤老之心恒存也先母聰慧善斷能知人使人於 用巫覡不布施僧尼女冠曰此輩入人家便壞生理然 物必惜用是寒家累遭凶荒不罹大艱先母終身不信 文理為夫家所重家君讀書好義性寬平坦率有大略 不屑細務母綜理慎到自閨門及田畝經界耕穫之事

賓客之外食無兼味紡績織紅夜分始寐至老不疲因 如所失數母性勤儉修潔當服布素歲惟一澣濯祭祀 宜可得人皆疑不敢近奴因突入其家果得楊於室中 取以歸不汝罪也如不服母曰緩則盡殺之矣急索之 奴息羣鹅於野失寝而亡其半畏將遁走母使人現所 必甚人也初本北來而今南往其志將以滅跡然貧重 方向謂之曰汝以稱與人而反欲遁耶鵝今在其家善 行不能遠當問道返矣使人急要其路果然又當有童

一次足四軍全書 一

方川集

之以屬族人之不立者然事無巨細未當專主必白之 妄取一毫以成不美兹當終絕時亦必有遇訓惜不肖 而為新割愛而成義故先祖考稱先母有丈夫志嘗舉 未能知也先母治家能積少而成多垂小而圖大轉版 母出白金數星日途中必思所欲飲食者以此為費母 十字遺寄不肖天順改元夏不肖以公幹道過家臨行 以貨賄事為戒及有官又書貧乏不能存此是好消息 以是致疾馴致不起不肖自領鄉樂時家君及先母即 竹居處士姓董名慧字如魯號竹居其先廣川人也後 臨書悲咽不知所云 揉拾惠以銘志永賣幽明不肖懷徳蒙休何可勝既也 迷於後先紀載痛於去取幸大人先生俯賜於憐曲加 以楊顯為事但預絕驚惶中思索未盡詞語不精條列 母諱妙圓右各條皆先母平生事實非敢擅增益文飾 家君計同而後行也先祖諱丈俊祖此楊氏家君名為 董竹居行状

大臣可事在馬

方洲梁)

オハー

儒者曾祖思廉祖彦和考坦庵皆克舉世德文行師模 偽偉慨然思用世值元亂遂隱處海寧泉山志以是稱 鹽敞川歷四世是為竹居之高祖諱鎮字仲貞者通經 賜居焉武功次子諱信仕至文林郎臨安府司法徒海 世仕宋居汁故南渡時有為武功大夫者扈蹕遷杭因 者誘掖訓誨教以事親敬長之節善者有賴不善者有 得於涵養持循務質去華不事章句內外子弟有失道 所以濟發於子孫者良遠故竹居自幼至長孝弟剛介

齊戒不入朝夕省謁終其身不問置義田二百畝以瞻 警所居自終慕堂獨留意於祠堂器制精備凡事事非 大己口巨 /··· 再冠服而已縣令孫剛累請預鄉飲疏公父子事行以 授冠带皆辭後有司謂不可重建始受之尋返初服 行路修葺文廟翼室景泰後數出殼賑飢至五千石屢 與之棺無所歸者藍之義塚又建橋以利涉鑿井以濟 十畝以備里社之凶荒月望給貧病者人米一斗死者 三族物節田六十畝以給族人之孤寡周急田三百五 万洲县

配徐氏有內行嫡子謙娶陳氏庶子讓娶吳氏女二祝 聞旌其門為孝義當南至浦江義門鄭氏得其家範文 數十條過書千卷勸節周急田數百畝吾志與事盡在 南山之陽臨終語謙曰吾强力為善禮下賢士大夫勤 滄周輦其壻孫男三松梅栢曽孫一壽七十有九壟於 以歸業欲趨闕里徽國瞻挹遺風老不果行居常念念 公禮翻刻於家北至姑蘇造范文正公家廟得其遗文 世不敢少自肆者蓋欲保家族以成汝兄弟也家範

火毛の新日島 於此吾死後汝宜展親益惠加於故常母徒過庸不篤 士者所以原公本心欲見其平生大致也 處士者名實已顯於人古所謂達人長者將或是艱楚 君姓劉名泰字世亨年三十有八生于永樂壬寅八月 之前謙奉世系事實求為行狀謹按序而歸之其稱處 表事始嗚呼世常以心迹觀人符其顧客以為定論如 以唇亡人吾目腹矣謙受命遽散米三百石周親近以 劉世亨行狀 方洲集

貴皆贈封兄弟九人异題達英傑俊泰復常皆聰明文 道监察御史其先大梁人五世祖恂元海鹽教諭因家 雅友爱甚至君年十八補邑庠弟子從士章許先生授 推重父鳳克繼前志當長賦稅母沈氏生母爾氏以君 於官高祖鞠所曾祖彦方祖廷佐皆積善行義為鄉黨 舉登景泰辛未進士第由翰林底吉士授文林郎河南 賢而無子二女沈禮偷恩其二壻也君領浙江甲子鄉 十五日卒於天順已卯七月二十三日配宋氏封孺人

金牙で屋台電

次定四車全書 人 武禮部率不偶卒業成均大有所得及登第入翰林師事 書猶精於法律為御史幾兩考當奉勅按治遼東直隸 學士吕公所就益遠平生好古博雅能詩善文工行草 窮畫夜每懸髮自警領舉時年二十有一乙丑戊辰两 尚書經傳少嗜酒季兄達常微言之即禁不復飲讀書 勃之卒移其任天順戊寅激州民暴横鄉里致訟當流 風裁茂者景泰間內閣尚書江湖遗不法于淮君馳奏 郡縣素惡其人論以殊死父不白君卒平反之太平民 方洲集

在英至京踰六月直發背卒先是君度不起以後事語 民始定所至吏服民安邪惠不敢肆天性寬平不立岸 躬行山溪問驅幹充肥濕熱相薄而不得息疾遂成疸 岸至禮法所在則鎮密無遺疾作時行部至廣德盛暑 大江守悔不能禁君適至即械項告吏使人號於通衛 怒發人大捕訛言相傳民一日死者數人急將盡沒入 有相共殺犬賽神者好吏襲得犬首請府告魔咒守守 姪拱令歸告諸兄弟凡棺柳襲級皆自為具臨終强自

ノニンフララ ノ・ユニー 實惟靖之留念不朽之托固所願也萬古之别在須臾 忠君孝親早圖繼嗣幸及時為之詞少梗復作氣曰尚 矣詞氣慷慨不異平時語畢呼珠曰棺木了未與目而 公吾師柯孟時王廷貴皆同年相知深其文必有傳行 有所托古者墓必有表葬者有銘死者有傳鄉先生日 門大言曰靖之戒今日得易黃矣平生心事足下所知 曾為國家憂之句書畢呼班曰為我請張靖之來寧入 起旅沐索紙筆書一詩其中有清白背為兒女計陳狂 方洲县

敏灾四库全書 里元季為張士誠萬户長時盗賊遙起各相長雄互為 后暴於是退而斜合鄉社設備預嚴界守人免於難及 先曾祖諱貴字仲山世居湖州府德清縣金鵝鄉界牌 盡珙以是年扶極歸益海鹽祖登之次 叟洪武丙子六月初六日亥時生成化壬辰七月十 事平悉衆歸附聖朝調及海寧衛祖有庵處士諱文俊 實代父行役生先考諱孝字九早號閱鐘子更號晚香 求稽勲沈先撰先考墓志銘事行状 卷二十五

孫女二恒吉許嫁杭州衛指揮劉瑄嗣子舉恒清許嫁 、 うし ここう 娶施氏璿娶百戸尚洪女雲翰聘海寧衛指揮方剛女 封孺人因無子側室羅氏許氏謝氏寬由監生聽選吏部 冠帶凡十七年感風瘅疾卒於正寂壽七十有七生女 四十喪父六十封後仕郎禮科給事中六十五喪先母 祖些與先母孺人丁氏同廣先考年二十四喪母楊氏 日卯時卒是年九月初四日丁酉並於海鹽縣開濟鄉 一適里士許觀子二寧由進士入官娶唐氏繼王氏俱 方州集 Ī

琳聘高氏餘皆幼未嫁娶先考性至孝善事先祖考此 割股進粥居喪盡禮莖祭竭力舉無遺度先考夙聰慧 至以舌話唇目間出液感疾幾死祖考病旦夕不去側 海寧衛指揮姚雄嗣子麟甥男三許瑛邑庠生娶周氏 自祭養外不肯長益尺寸先考嚴於教子自不孝兄弟 生產惟祇圖書数千卷嘗以多財益過為戒所居田宅 能詩文陰陽壓卜聲律之事皆當究心平生不事家人 初祖姓殁晝夜號泣水漿不入口者累日時方暑未斂

卷二十五

入仕悉取前人通財券書焚之然常以儉的為家範取 子之間外若介密而內實寬平意到即已不令人知晚 賢乎已餘事賴戒責不聽寧入仕屢書貧乏不能存此 是好消息十字為警先考性質實好義自不孝兄弟將 事皆聽不孝兄弟就學曰此亦文藝中物所謂為之猶 每至夜分始入黎明便東燭出促起讀書凡琴弈書畫 學古文既長遣從澹軒許先生授經業進士親為程課 有知即不令伍問巷童稚遊戲稍長遣從雲輕蘇先生

次定四年七十二方洲

貸以至今日當日貧乏有時若便作寫負事頓喪兒子 **輩氣節委靡自此始矣先考與人甚和易而大節不踰 費而烈焰逼人不能畢事遂使温飽之業一空館粥不** 從容命不孝軍先收神主次及圖書澤器然後撥捨餘 考作事皆有法正統茂辰隣火及舍舉家驚惶先考猶 閉即邑大夫當禮為鄉飲大窗正容謹節凛然難近及 能繼賴先妣勤儉委曲之力雖懸磬匱囊未嘗乞憐告 年施棺砌路排難解紛人多感其惠獨不近佛老事先

經管度曲傳腔調弄竟日樂而忘疾晚歸想醉翁狀上 月之下望之如神仙如是者餘十年不報先考自暢飲 中感疾半身不遂在苒牀褥越十八月屢更醫卜百折 元宵則列宴張燈召故信相與乘夜踏歌從以鼓樂燈 颠命鐵笛而吹或呼待兒鋪牌博爽與極乃已遇除夕 **妓女歌兒相與出遊郊渚問籍草乘陰留連暢飲親操** 退而家居雖五尺之童亦親狎不忤嘗效故事與鄉老 數人結社更日宴樂方春令節監與畫形酒樽食具攜

次起四年全里回

方洲体

寬方調選未回留念不已及歸以手捌其面曰汝兄弟 妻死為之涕泣失聲曰天何不以我代之失吾賢婦弟 不效雖甚苦辛神氣益壯始終無念老悲窮之態獨寧 方洲集卷二十五 成無過憾也病華問後事具未侍者答以既具 八曰萬辛吾事從此畢矣言不及私惟遺命